

Broj: 01-11-12-1037-9/24  
Sarajevo, 04.07.2024. godine

Na temelju člana 70. Zakona o javnim nabavkama („Službeni glasnik BiH”, br. 39/14 i 59/22), Plana nabavki Federalne uprave za geodetske i imovinsko-pravne poslove, broj: 01-11-12-399/24 od 22.02.2024. godine, Odluke o pokretanju otvorenog postupka javne nabavke - „Usluge pripreme materijala za prezentaciju i promociju učinaka i važnosti IPP FBiH”, broj: 01-11-12-1037/24 od 20.05.2024. godine, te preporuke Komisije za javnu nabavku, date u Zapisniku o ocjeni ponuda, broj: 01-11-12-1037-8/24 od 03.07.2024. godine, direktor Federalne uprave za geodetske i imovinsko-pravne poslove d o n o s i

## **O D L U K U**

### **o izboru najpovoljnijeg ponuđača za javnu nabavku – „Usluge pripreme materijala za prezentaciju i promociju učinaka i važnosti IPP FBiH“**

#### **I**

Prihvata se preporuka Komisije za provođenje otvorenog postupka javne nabavke - „Usluge pripreme materijala za prezentaciju i promociju učinaka i važnosti IPP FBiH“, data u Zapisniku o ocjeni ponuda, broj: 01-11-12-1037-8/24 od 03.07.2024. godine, da se kao prihvatljiva i najpovoljnija prihvati ponuda ponuđača REPUBLIC d.o.o. Sarajevo.

#### **II**

Ponuđaču REPUBLIC d.o.o. Sarajevo, u skladu sa Ponudom, broj: 01-92/24 od 11.06.2024. godine, i cijenom ponude u iznosu od 21.367,52 KM bez PDV-a, odnosno u ukupnom iznosu od 25.000,00 KM sa PDV-om, nakon pravosnažnosti ove Odluke dostavit će se prijedlog ugovora za javnu nabavku - „Usluge pripreme materijala za prezentaciju i promociju učinaka i važnosti IPP FBiH“.

#### **III**

Izabrani ponuđač za REPUBLIC d.o.o. Sarajevo je uz ponudu dostavio sve kvalifikacijske dokaze iz izjava, odnosno iz uslova propisanih tenderskom dokumentacijom.

#### IV

Ova Odluka dostavit će se svim učesnicima u predmetnom postupku nabavke u roku od tri (3) dana, a najkasnije u roku od sedam (7) dana od dana donošenja, preporučenom poštom ili neposredno.

#### V

U skladu sa odredbama člana 99. i člana 101. Zakona o javnim nabavkama, protiv ove Odluke može se uložiti žalba u roku od deset (10) dana od dana zaprimanja.

Žalba se podnosi Uredu za razmatranje žalbi putem ugovornog organa u pisanoj formi direktno ili preporučenom poštanskom pošiljkom.

Žalba se predaje neposredno ugovornom organu ili putem preporučene poštanske pošiljke, u dovoljnom broju primjeraka, a koji ne može biti manji od tri (3).

#### VI

Ova Odluka stupa na snagu danom donošenja.

### **O b r a z l o ž e n j e**

Na temelju Zakona o javnim nabavkama („Službeni glasnik BiH”, br. 39/14 i 59/22) i Plana nabavki za 2024. godinu, broj: 01-11-12-399/24 od 22.02.2024. godine, Federalna uprava za geodetske i imovinsko-pravne poslove (u daljem tekstu: ugovorni organ) je Odlukom o nabavci, broj: 01-11-12-1037/24 od 20.05.2024. godine, pokrenula otvoreni postupak javne nabavke - „Usluge pripreme materijala za prezentaciju i promociju učinaka i važnosti IPP FBiH”, te na web Portalu Agencije za javne nabavke BiH objavila tendersku dokumentaciju i Obavještenje o nabavci, broj: 399-1-2-14-3-16/24 od 21.5.2024. godine.

Postupak je provela Komisija za javnu nabavku (u daljem tekstu: Komisija) imenovana Rješenjem direktora Federalne uprave za geodetske i imovinsko-pravne poslove, broj: 01-11-12-1037-1/24 od 20.05.2024. godine, koja je o istom sačinila Zapisnik o zaprimanju ponuda, broj: 01-11-12-1037-4/24 od 12.06.2024. godine, Zapisnik o otvaranju ponuda, broj: 01-11-12-1037-5/24 od 12.06.2024. godine i Zapisnik o ocjeni ponuda, broj: 01-11-12-1037-8/24 od 03.07.2024. godine.

U skladu sa tenderskom dokumentacijom i Obavještenjem o nabavci sa web Portala Agencije za javne nabavke BiH, dana 12.06.2024. godine u 10:30h, na adresi ovog ugovornog organa, bez prisustva predstavnika ponuđača, izvršeno je javno otvaranje blagovremeno dostavljenih ponuda, i to ponuda (po redoslijedu zaprimanja):

- 1) REPUBLIC d.o.o. Sarajevo
- 2) MITA Group d.o.o. Sarajevo

Po predmetnom nadmetanju, Komisija je ustanovila da su do roka utvrđenog tenderskom dokumentacijom i obavještenjem o nabavci dostavljene ukupno dvije (2) ponude, i to ponude gore navedenih ponuđača.

Na početku procesa evaluacije zaprimljenih ponuda, a u kontekstu procijenjene vrijednosti nabavke, ustanovljeno je da su se obje ponude uklopile u procijenjenu vrijednost nabavke ove vrste usluga, s tim da je ponuda ponuđača MITA Group d.o.o. Sarajevo u iznosu koji je niži od procijenjene vrijednosti nabavke, dok je ponuda ponuđača REPUBLIC d.o.o. Sarajevo u iznosu koji je identičan sa procijenjenom vrijednosti nabavke ove vrste usluga.

Detaljnim pregledom i analizom zaprimljenih ponuda, Komisija je utvrdila da su oba ponuđača kvalifikovana za pružanje predmetnih usluga, da je ponuda ponuđača REPUBLIC d.o.o. ispunila sve uslove predviđene tenderskom dokumentacijom, dok ponuda ponuđača MITA Group d.o.o. Sarajevo nije ispunila određene uvjete na način kako je to propisano tenderskom dokumentacijom, odnosno ista je sadržavala određene nepravilnosti u odnosu na tendersku dokumentaciju.

S tim u vezi, a u skladu sa članom 2. stav (1) tačka I) ZJN, Komisija je zaključila sljedeće:

1. Ponuda ponuđača REPUBLIC d.o.o. Sarajevo se ocjenjuje kao **prihvatljiva** obzirom da je u istoj dostavljena sva obligatorna dokumentacija, kao i svi kvalifikacioni dokazi prema uslovima tenderske dokumentacije, te predmetna ponuda ne sadrži formalno-pravne nedostake u odnosu na tendersku dokumentaciju koji bi eventualno bili razlog za odbacivanje iste;
2. Ponuda ponuđača MITA Group d.o.o. Sarajevo se odbija kao **neppravilna**, obzirom da u određenim dijelovima nije u skladu sa tenderskom dokumentacijom. Ocjenom navedene ponude Komisija je uočila sljedeće nedostatke i propuste, po redoslijedu stavki iz predmetne ponude:
  - cijena ponude bez PDV-a se razlikuje u tački 3. Obrasca za ponudu - Aneks 1 (str. 3 ponude), člana 3. i člana 4. Nacrta ugovora - Aneks 8 (str. 25 i 27 ponude), a u odnosu na Obrazac za cijenu ponude - Aneks 2 (str. 9 ponude);
  - u prilogu izjave ponuđača sa spiskom uposlenika i kvalifikacijama stručnog osoblja koje će direktno raditi na projektu (str. 41 ponude), pod rednim brojem 2. i 3. ponuđač je naveo dva stručna lica kao grafičke dizajnere za poziciju „Stručnjak za grafički dizajn, 1 izvršioc“, dok u spisku nije navedeno koje stručno lice je predloženo za poziciju „Stručnjak za kreiranje i uređivanje video sadržaja, 1 izvršioc“;
  - u ponudi nedostaje spisak izvršenih ugovora o pružanju usluga u posljednje 3 (tri) godine, uz izjavu iz tačke 5.3.2. pod c) tenderske dokumentacije (str. 97 ponude).

U odnosu na navedeno, Komisija je konstatovala da se u konkretnom slučaju radi o povredama člana 57. stav (1), te člana 68. st. (1) i (4) tačka i) ZJN, te je iz tih

razloga ponuda ponuđača MITA Group d.o.o. Sarajevo ocijenjena kao nepravilna, a u odnosu na odredbu člana 2. stav (1) tačka I) pod 3) ZJN.

Tačkom 3.7. tenderske dokumentacije je predviđen postupak E-aukcije, međutim imajući u vidu da je zaprimljena jedna prihvatljiva ponuda, to u skladu sa odredbom člana 3. stav (3) Pravilnika o uslovima i načinu korištenja E-aukcije („Službeni glasnik BiH“, broj 66/16) nije bilo zakonskog osnova za zakazivanje postupka E-aukcije.

U postupku donošenja ove Odluke, a imajući u vidu prethodno navedene okolnosti i utvrđene činjenice u postupku evaluacije zaprimljenih ponuda, prihvata se preporuka i obrazloženje Komisije, dato u Zapisniku o ocjeni ponuda broj: 01-11-12-1037-8/24 od 03.07.2024. godine, da se za najuspješniju ponudu za javnu nabavku - „Usluge pripreme materijala za prezentaciju i promociju učinaka i važnosti IPP FBiH“ prihvati ponuda ponuđača REPUBLIC d.o.o. Sarajevo, a koja ponuda je u odnosu na kriterij za dodjelu ugovora iz tačke 3.6. tenderske dokumentacije, ocijenjena kao prihvatljiva, formalno-pravno i tehnički kvalifikovana, sa cijenom ponude u iznosu od 21.367,52 KM bez PDV-a, odnosno u ukupnom iznosu od 25.000,00 KM sa PDV-om.

U analizi provedenog postupka, ugovorni organ nije našao razloge nepravilnosti, niti propuste u radu, koji bi eventualno bili osnov za neprihvatanje preporuke Komisije.

Na prijedlog Komisije, ovaj ugovorni organ je odlučio kao u dispozitivu ove Odluke.

Željko Obradović, dipl.ing.geod.



**Prilog:** Zapisnik o ocjeni ponuda

**DOSTAVITI:**

1. REPUBLIC d.o.o. Sarajevo;
2. MITA Group d.o.o. Sarajevo;
3. Sektor za upravljanje projektima iz programa javnih investicija - o v d j e;
4. U spis.